


. . . Խմբագրող-ընկեր « Արարատ » ամսագրոյ.

Սուրմալուայ (Արշարունեաց գաւառ) գործակալ բարեկրօն Սիմէօն Քա-
հանայի Տէր Ահարօնեան Փանիկեցւոյ հրաւիրագրովն այս օրերս գնալով
անդ ի Փանիկ գիւղն՝ օրինակեցի Յ փոքր տող բւենաձև արձանագրութիւն՝
Արմաւրից փոխադրած յԱխ - Մամատ պարսկարնակ գիւղն՝ սանդխանման
լեռ կապոյտ քարի վերայ փորագրած. որոյ օրինակն տալով Խմբագրու-
թեանդ՝ խնդրեմ հրատարակել հնախուդից հետաքրքրութեան համար. և
իրբև փոքրիկ զարդ « Արարատայ » էջերին:

Յանձնեցի յիշեալ գործակալին և յուսով եմ, որ գաւառի գիւղօրայքը
շրջելու միջոցին՝ չմոռանայ հարցունդիր լինել այսպիսի ազգային հնու-
թեանց մասին *) ըստ որում տեղական ժողովուրդը քանի տարուց հետէ
սովորութիւն է արել քակել և բերել շինութեան համար ո՛չ միայն ծօլա-
կերտի պարսպաց քարերը, այլ և Արմաւրայն. որոց մասին թէև քաղաքա-
կան իշխանութիւնն վերջին տարիներս խստիւ պատուիրել է պահպանել այն
հնութիւնքն Հնագիտական ժողովի հետաքրքրութեան համար. Զայն քարը
պատուիրեցի բերել յէջմիածին:

ՄԵՍՐՈՎԲ ԵՊԻՍԿՈՊՈՍ ՍՄԲԱՏԵԱՆՑ.

Է. ԱՐԶԱՆԱԳԻՐ ԱՐՄԱԻՐԱՅ.



(*) Երանի թէ միւս գաւառաց գործակալքն եւս նոյնպէս աշխատէին որոնել ու
գտնել սոյնպիսի ազգային հնութիւններ: